

Publicaziuns officialas dils 6 da fevrer 2026

Vischnaunca Trun

Damonda da baghegiar

Datum da publicaziun: 06-02-2026

Petent: Beer SA Via Sursilvana 29 7172 Rabiis
Object: Disfatga dil clavau sin parcella 2580 Cabusch a Trun.
Zona: Zona d'agricultura (A)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Controlla da habitonts Trun

Mortori

Küttel Martin, naschius ils 11 da fevrer 1998 e morts ils 27 da schaner 2026.

Naschientscha

Tambornino Nevio, naschius ils 28 da schaner 2026, affon da Tambornino-Russi Eligius e Jolanda.

Controlla da habitonts Trun

Tscheiver a Trun

Sonda, ils 7 da fevrer 2026 ha liug il tradiziunal di da tscheiver a Trun. Uonn festivein nus il giubileum da 35 onns Las Lieurs da Trun.

Program

06:30: Bien di Tiraun

07:15: Bien di Trun

12:00: La via principala atras il vitg vegn serrada

13:30: Til atras il vitg

15:30: Concert dallas musicas da tscheiver sin il plaz avon il center communal

20:00: Concert monstrus ed avertura dalla Oldies Bar sil plaz avon il center communal

21:00: Avertura dalla sala dil center communal cun sera da saulteproduziuns dallas musicas da tscheiver

Nus havein grond plascher da festivar cun vus il di da tscheiver Trun e selegrein da vossa viseta.

Musica da tscheiver, Las Lieurs da Trun

Uniun da dunnas Trun/Zignau

Suentermiezdi creativ

Temps d'esser creativs en cumpignia! Nus s'entupein mesjamna, ils **11 da fevrer 2026** allas 14.00 en scola Trun (stanza textil) cun nos projects, giugs ni per star ensemen da cumpignia. Tgi che sa buc organisar senza in taxi, sa s'annunziar tochen dus dis avon tier Manuela Schwarz (077 406 21 08). L'Uniun da dunnas envida cordialmein e selegra sche Ti eis era dalla partida.

Gruppa da pensiunai Trun

Meisa da miezdi a Trun

Suenter nies bien success dalla davosa sentupada essan nus sedecidi da continuar cun nossa purschida tier il gentared envidein tuttas persunasella vegliadetgna dalla pensiun ni che stattan silla sava da quella.

Mardis, ils 17 da fevrer 2026 allas 12:00 el curtin d'unviern dalla casa s. Martin. Annunzias entochen venderdis, ils 13 da fevrer 2026 tier Marielle Schmed.

Cordialmein envida la gruppa da pensiunai